

immediate et pleno jure paruisse Fuldae ex eo demonstrat, quod cum Re-  
 liquiae Holzkiricha Fuldam transferrentur, *Sanctimoniales de Monasterio* Wirce-  
 burgensis  
 Diocesis.  
*quod vocatur Zellinga, cum crucibus et cereis egressae comitantes eas suscepe-  
 rint*, inter quos Rudolphus, qui haec annotavit in Vita Rabani, ipse fuit.  
 Recenset deinde miraculum in Mathildae Abbatissae ancilla factum; sed reti-  
 cet, quod Rudolfus habet, adfuisse inter spectatores hujus miraculi *Regi-* Cl. Schan-  
 natus ter-  
 tio Rudol-  
 fum mu-  
 tilat.  
*nolfum Presbyterum Humberti Episcopi, qui ascenso editiore loco mulierem*  
*sanam in divina laude clamantibus ostendit, ut gesti miraculi multi testes*  
*multi Dei fierent laudatores.* Hic ergo Reginolfus *Humberti Episcopi Wir-*  
*ceburgensis* vices gessit, Reliquias suscepit et miraculo, earum ope patrato,  
 fidem fecit. Auctoritatem inde Humbertus Episcopus Zellingae habuit,  
 locusque in Diocesi Wirceburgensi, non minus ac ipsa Holzkiricha, fuit,  
 licet a Fuldenibus possideretur. Decimas etiam Episcopales ibi habuit,  
 quia inter loca decimalia Ratgario Abbati a Wolfgario Episcopo in Dico-  
 cesi Wirceburgensi concessa Zellinga non nominatur. Cl. Schannatus non  
 reticuisset Reginolfi nomen, nisi ipse jam vidisset, ejus praesentiam et aucto-  
 ritatem vice Humberti Zellingae exercitam suae Diocesi et Hierarchiae of-  
 ficere. Cum Buchoniam veterem scriberet, nondum de enormi jurium  
 Fuldensium extensione cogitaret; unde ibi Rudolphi locum integrum et non  
 mutilatum, ut hic fecit, ante oculos lectorum posuit.

**LVIII.** *De Ecclesiis collegiatis immediate ac pleno jure Ecclesiae*  
*Fuldensi subjectis*, pauca dicam, cum sciam plura alios de iisdem allatu-  
 ros, et jam pateat, plerasque aut Archiepiscopo Moguntino, aut Episcopo  
 Wirceburgensi, prout horum Dioceses protensae erant, in spiritualibus  
 subjectas fuisse. Pag. 208. ait, Carolum M. *vastam illam campi planitiem,* Carolus  
 M. va-  
 stam pla-  
 nitiam  
 ad dex-  
 tram Hu-  
 nae jacentem Ful-  
 denibus  
 non do-  
 navit.  
*quae sylvis circumdata, dextrum Hunae fluvii latus versus Septentrionem*  
*occupat, in Ecclesiae Fuldensis dominium liberali sua donatione, anno 782.*  
*Carisiaci facta, transtulisse.* Caroli tamen Magni Praeceptum Tradit. Fuld.  
 cap. 67. inspicientibus statim in oculos incurrit, eum non *vastam planitiem*  
 illam; sed Monasterio S. Salvatoris *infra vasta Bochonia super fluvium Ful-*  
*da constructo campum, qui dicitur Unoselt cum sylvis suis* perpetualiter tra-  
 didisse ad possidendum. Ipsa vox *campi* indicat, locum donatum non fuisse  
 vastam planitiem, sed spatium modicum sepe vel indagine incinctum.  
 Campus enim idem significat ac *proprio, bivanc, captura, septum, compre-*  
*hensio* aut *ambitus*, quas voces Cl. Schannatus in Buchonia vetere pag.  
 325. non male exposuit. In Saxonia inferiore et Westfalia adhuc *kamp*  
 dicitur pratum vel aliquot agri fossa aut indagine vel sepe ab aliis separati.  
 Origenes in Cantica canticorum Homil. 3. scribit: *Campus planities terrae*  
*dicitur, cui cultura adhibetur, et quae excolitur ab agricolis.* Tabularium  
 S. Remigii a Cangio citatum: *Sunt ibi campi 17. ubi seminantur frumenti*  
*modii siliginis 30.* Vox Germanicae originis est, et a *ge, con, et hagen* vel *hain-*  
*ham*, indago, composita; sicque proprie denotat spatium *incinctum*. Galli  
 et Itali *champ* et *campo* eodem sensu adhibent. Episcopos Wirceburgenses  
 Hunofeldi potestatem Episcopalem habuisse, concluditur iterum ex saepe Hunofel-  
 dum  
 Diocesis  
 Wirce-  
 burgensis  
 fuit.  
 citata Conventione Wolfgarii Episcopi cum Ratgario Abbate de deci-  
 mis. Cum enim Wirceburgensi diocesi comprehenderetur Hunofeldum,  
 Wolfgarius ibi etiam decimas sibi deberi putabat, nec injuria, Conventum  
 tamen est, ut cum *Cella*, quae vocatur *Huniofeld*, Abbas haberet *VI. villas*  
*Hrosbach, tria Haselaha, Hunioham*, in quibus decimas reciperet, ut inde  
 nempe Cellae noviter erectae Monachi sustentarentur; quae tamen villae  
 olim